



ЛЕНИНЭНЬ КИЯВА

ВЛКСМ-нь Мордовской обкомонтъ ды Саранск ошонъ комитетэнтъ газетаст

1941 ие
А П Р Е Л Е Н Ъ
16-це чи
42 (1338) №

ЛИСИ: 11-це ие,
12 № ковс

Советской Союзонтъ ды Япониянтъ ютксо нейтралитеттэ Пактонъ теemasъ

Переговортнэнь результатсо, конат
мольсть меельсь читнень перть Мос-
ковсо СССР-нь Совнаркомонь Председа-
теленъ ды Иностранной Тевтнень На-
родной Комиссаронтъ В. М. Молотов ял-
гантъ ды Япониянь Иностранной Тев-
тнень министрантъ Иосукэ Мацуока
господинэнтъ ютксо, апрелень 13-це
чистэ подписанной Пакт Советской Со-
юзонтъ ды Япониянтъ ютксо нейтралитет-
тэ, ды истяжо Декларация Монголь-

ской Народной Республиконтъ ды Ман-
чжоу-Гонтъ территориальной целостнос-
тест ды неприкосновенностест взаимной
уважениядонть.

Переговортнэсэ примастъ участия
Сталин ялгасъ, Япониянтъ ёндо жо—
Московсо японской посолосъ Татекава
господинэсь.

Теде ало печатави Пактонъ ды Декла-
рациянь текстэсь.

Советской Социалистической Республикатнень Союзонтъ ды Япониянтъ ютксо нейтралитеттэ Пактось

Советской Социалистической Респуб-
ликатнень Союзонъ Верховной Советэнь
Президиумосъ ды Япониянь Его Вели-
чество Императоросъ, кавонест мастор-
тнэнь ютксо мирной ды дружественной
отношениянтень кемекстамо бажазь, ре-
шастъ теemс нейтралитеттэ Пакт, ды те
целентъ туртов назначастъ эсест уполномо-
ченнойюкс:

Советской Социалистической Респуб-
ликатнень Союзонъ Верховной Сове-
тэнь Президиумосъ:

Вячеслав Михайлович Молотовонъ,
Советской Социалистической Респуб-
ликатнень Союзонъ Народной Комиссар-
тнэнь Советэнь Председателентъ ды Ино-
странной Тевтнень Народной Комисса-
ронть;

Япониянь Его Величество Императо-
росъ:

Иосукэ Мацуоканъ, Иностранной Тев-
тнень Министрантъ, Жюсанми, Священ-
ной Сокровишатнень васенце степенень
орденэнь Кавалерэнтъ ды

Иосицугу Татекаванъ, Советской Со-
циалистической Республикатнень Сою-
зонтъ Чрезвычайной ды Полномочной
Посолонтъ, Генерал-лейтенантонть, Жю-
санми, Восходящее солнце васенце сте-
пенень орденэнь ды Золотой Коршу-
нонь нилеце степенень орденэнь Кавал-
ерэнтъ,

конат, вейкест-вейкест туртов соот-
ветственной полномочиянтень невтема-
дост меиле, конат ловозь сёрмадозекс
эрявикс ды законной формасо, догово-
рились вана мезень коряс:

Васенце статья.

Кавонест Договаривающейсй Енкст-
нэ обязуются кирдемс мирной ды дру-
жественной отношениянт эсь ютковасть

ды взаимна уважать омбоце Договарива-
ющейсй Енкстнэнь территориальной цело-
стностензэ ды неприкосновенностензэ.

Омбоце статья.

Се случайстэнтъ, бути Договариваю-
щейсй Енкстнэстэ вейкесъ теemи вейке
или зярря колмоце державатнень ёндо
военной действиянтень объектэкс, ом-
боце Договаривающейсй Енксось карми
ванстоמו нейтралитет весе конфлик-
тэнтъ молеманзо перть.

Колмоце статья.

Те Пактось сови вийс Кавонест Дого-
варивающейсй Енкстнэнь ёндо сонзэ
ратификациянь чистэнтъ саезь ды ван-
стеы виензэ вете иень перть. Бути вей-
кеяк Договаривающейсй Енксось а де-
нонсировасы Пактонъ сроконтъ ютамо-
до меде икеле, сон карми лововомо ав-
томатически кувалгавтозекс еще вете
иес.

Нилеце статья.

Те Пактось подлежит ратификацияс
кода можна седе нурька шкасто. Рати-
фикационной грамотатнеса обменэсь дол-
жен теemс Токиосо, истяжо кода мож-
на седе нурька срокето.

Тень удостоверенияс вере ледстязь
Уполномоченнойтне подписали те Пак-
тонть кавто экземплярсо, конат сёрма-
дозь русской ды японской кельтнеса,
ды путызь эйзэнзэ эсест печатест.

Сёрмадозь Московсо 1941 иень апре-
лень 13-це чистэ, мезесь соответствует
Сиовонъ 16-це иень нилеце ковоны
13-це чинтень.

В. МОЛОТОВ.

ИОСУКЭ МАЦУОКА
ИОСИЦУГУ ТАТЕКАВА.

ДЕКЛАРАЦИЯ

Нейтралитеттэ Пактонъ духонзо мар-
то соответствияс, кона теэзь 1941
иень апрелень 13-це чистэ СССР-нтъ ды
Япониянтъ ютксо, СССР-нь Правительст-
васъ ды Япониянь Правительствасъ,
кавонест мастортнэнь ютксо мирной ды
дружественной отношениянтень обеспе-
чениянт интереснэсэ, торжественна
являвтихть, што СССР-сь обязуется

уважать Манчжоу-Гонтъ территориаль-
ной целостностензэ ды неприкосновен-
ностензэ, Япониясь жо обязуется ува-
жать Монгольской Народной Респуб-
ликантъ территориальной целостностензэ
ды неприкосновенностензэ.

Москов, 1941 иень апрелень 13-це
чистэ.

Япониянь Правительствантъ кис
ИОСУКЭ МАЦУОКА
ИОСИЦУГУ ТАТЕКАВА.

ЯПОНИЯНЬ ИНОСТРАННОЙ ТЕВТНЕНЬ МИНИСТРАНТЬ ИОСУКЭ МАЦУОКА ГОСПОДИНЭНТЬ ТЕЛЕГРАММАЗО

СССР-нь Совнаркомонь Председателентъ ды Иностранной
Тевтнень Народной Комиссаронтень В. М. Молотов ялгантень

Его превосходительствантъ Молотов господинэнтень

Москов, Кремль.

Течи подписанной Пактсонть минъ
нолдынек минек нациянтень дружбаъ
од ки лангс. Мон кеман, што те доку-
ментэсь карми улеме минек майкокс
минек отношениянтень вадрыгавтома-
сонть ды мон ёвтан пек покш ласиба
Ваше превосходительствантъ пек па-
ро участиянтъ кис, конанъ Тон при-
миг Пактонть теemанзо бойкасто тевс
ютавтомасонть.

Мереде монень пек седейшкава ёв-

тамс пасиба Тонетъ пек вадри приё-
монть кис, конанъ теизе монень Тынк
правительствасъ. Монъ кадовств аняк
пек вадри лецтнеман Тынк великой
масторсонть аволь ламо шканъ перть
эсенъ улемадонть.

Мон арсян Ваше превосходительст-
вантъ шумбрачи ды счастья.

ИОСУКЭ МАЦУОКА.

Ярославль, 1941 иень апрелень 13-це
чистэ.

СССР-нь СОВНАРКОМОНЬ ПРЕДСЕДАТЕЛЕНТЬ ДЫ ИНОСТРАННОЙ ТЕВТНЕНЬ НАРОДНОЙ КОМИССАРОНТЬ В. М. МОЛОТОВ ЯЛГАНТЬ ТЕЛЕГРАММАЗО

Япониянь Иностранной Тевтнень Министрантъ
Иосукэ Мацуока господинэнтень

Свердловск ош.

Япониянь Иностранной Тевтнень Министрантъ Иосукэ Мацуока
господинэнтень

Ёвтан седейшкава пасиба Тынень,
Господин Министр, Советской Союзонтъ
ды Япониянтъ ютксо нейтралитеттэ
Пактонть подписаниянзо кувалма Тынк
ёвтазь лембе арсаматнень кис, кона
Пактонть бойкасто теemанзо мон лован
Тынк активной ды благотворной учас-
тиянтень.

Ёвтан покш кемема сенсэ, што те

Пактось карми улеме векакс СССР-нтъ
ды Япониянтъ ютксо од, дружествен-
ной отношениянтень развитиясонть ды
карми служамо мирэнь интереснэнь.
Мон арсян, Тынень, Господин Ми-
нистр, шумбрачи ды успехъ Тынк
деятельностьэнь.

В. МОЛОТОВ.

Москов, 1941 иень апрелень 14-це чистэ.

ФИЗКУЛЬТУРНИКЕНЬ КОЛМОЦЕ ВСЕСОЮЗНОЙ ЧИНТЕНЬ ПОСВЯЩЕННОЙ КОМСОМОЛЬСКОЙ ЭСТАФЕТАТ

ВЛКСМ-нь ЦК-сь решил ютавомс
1941-це иень июльстэ скоростной ком-
сомольской эстафетат, конат посвящен-
нойт физкультурникенъ III-це Всесою-
зной чинтень. Эстафетатне ютавовать
кавто маршрутонъ коряс: Ульяновск—
Москов ды Гори—Москов.

Эстафетатне организовать сынет
участниктень производствато атак
олякстомто.

Эстафетатнень финишесь—физкуль-
турникенъ Чись.

Эстафетатнень участниктне пачтить
Московон рапорт районной ды област-
ной комсомольской организациянтесэ
военно-физкультурной роботадонть.

Командатне, конат участвовать эста-
фетатнесэ, молитъ сутканъ перть атак
лотксе, седе бойкасто ютамонть кис
бажазь.

Васенце маршрутось—Ульяновск—
Москов—Юты Куйбышевской, Горьково-
й, Рязанской ды Московской област-
нень трокс, Татарской, Чувашской ды
Мордовской АССР-тнэнь трокс.

Омбоце маршрутось—Гори—Москов—
Юты Грузинской ССР-гантъ, Северо-
Осетинской ды Кабардино-Балкарской
АССР-тнэва, Орджоникидзевской ды
Краснодарской крайтнева, Ростовской,
Ворошиловградской, Сталинской, Харь-
ковской, Курской, Орловской, Тульской
ды Московской областнева.

Эстафетатнесэ кармитъ улеме перед-
вижениянт истят видт: ялго походт,
чума, венчэс уема, лишме лангсо ла-
сте молема, велосипед, мотоцикла.

Эстафетатнень примамонть кис коман-
дасъ обязан самс старте эсь шка-
сто.

ВЛКСМ-нь ЦК-сь явотынзэ мелест
комсомольской организациянтень по-
ходтнэсэ кеме дисциплинаъ кирде-
мантъ ды команданъ руководителен-
тень беспрекословной подчиненияъ
эрявомантъ лангс.

Кавонест маршрутнэсэ организоваи
соревнования командатнень ютксо. Сех
вадрия командатнень представительтне
эрья областной, республиканской ор-
ганизациянт пелде улиг соватозь
сводной команданъ составс, кона коман-
дасъ маршрутнь меельсь этап-
тонть туи Московон.

Комсомольской эстафетатненень ано-
стамонть ды ютавомантъ лангсо руко-
водствантъ ветьт республикатнень
комсомолонъ ЦК-тне, комсомолонъ край-
комтне, обкомтне, горкомтне ды рай-
комтне, конатнень территорияваст аш-
тить маршрутнь. Райкомонъ ды горко-
монъ секретартнень лангс путозь обя-
занность сеске жо пачтямс икеле аш-
тия передаточной пунктонтень ды
ВЛКСМ-нь ЦК-нтень командантъ дистан-
циянтень самонъ ды эстафетантъ тье-
манъ шкантъ.

Командатнень участниктне кочка-
вить военно-физкультурной роботанъ
активистнэнь эйстэ, конанъ улиг сех
вадрия спортивной результатост. Коман-
датнень составост кемекставить, обком-
со, крайкомсо, союзной республиканъ
ВЛКСМ-нь ЦК-со 1941 иень маень 10-це
чис.

Командатне, конат участвовать эста-
фетатнесэ, ютыть предварительной тре-
нировка, подробно тонавтнесызь эсест
маршрутоь.

84
СССР-нь Правительствантъ
уполномочиянзо коряс В. МОЛОТОВ.

Революционной движенияны историясто

ЛЕНСКОЙ РАССТРЕЛЭСЬ

Васоло тайгасо ленской рабочейтнең героической бороцямост совась рабочей революционной движенияны историйтнең, большевистской партиань историйтнең валдо, а стувовиця страницакс.

29-иеде телеикеле—1912-иень апрель 17-це (4-це) чиста—Ленской золотой приискатнең лангсо царской самодержавиясь, штобу витемс капиталистичең мест, стачкань шкасто леднизе шахтеронь мирной толпанть, кона молись администрациянь марто кортнеме.

Безоружной рабочейтнең лангсо верев расправдонть кулясь тейсь виев протест ды негодования весе Россиянь рабочей классонть ёндо.

Сталин ялгась ленской читнең кувалт эсензэ леднематнесэ («Правда», 1922-иень маень 5-це чи), 1905-иень революциянь поражениядонзо мейле реакциянь стака шкандонть кортазь, сёрмадсь: «Ленской читне ульнесь «оймавтомань» столыпинской режимень результатос».*)

Каторгас кучнематнесэ, казнямотнесэ, карательной экспедициятнесэ, полицейской террорсо, рабочей организациятнең громамосо столыпинской реакциясь бажась кемекстамс эсензэ временной торжестванзо революциянь лангсо.

Большевиктне, конатнең мельга следясь царской охранкась, салава велясь эсест виев бороцямост капитализманть каршо. Большевиктне кеметь, што раужо реакциянь иетнең полавт-сынзе од революционной подъем.

Незаконной организациятнең кемектазь, сынъ использовали весе легальной возможностью массатнең марто связенть виевгавтоманзо туртов, аноктасть рабочей классонть од революциясь.

Стак ликвидаторнэ ды троцкистнэ снартнесь калмакс революциянь. Уш 1910-иень сексия Лев Толстоень куломанонзо мейле, революциянь поражениядонзо мейле васенцеде, ютыть уличной демонстрацият ды забастовкат.

Васоло Ленской золотой приискатнесэ 1912-иень февральең прядовомсто кирвайсь рабочейтнең бороцямост капиталистичең дикой произволост каршо.

Ленской приискатне ульнесь «Лензотонь» акционерной обществань монополияк. Приискань главной азорокс ульнесь английской капиталист, конат тозонь специальна организовасть акционерной общества «Лена-Гольдфильдс». Сынъ эсест кеде сайсть «Лензотонь» весе акциятнең 71 процентэнтъ. «Лензотонь» акционеркс ульнесь и рузонь капиталист, государственной банк, царской правительствань министр, великой князь, Мария Федоровна императрицася.

Весе мирэнтъ эйстэ башка эрязь (Ленской приискатне ульнесь 1700 вальгейбень тарка чугунокань кинть эйстэ), рабочейтне ульнесь полной кабаласо приискань администрациянь кеде.

Рабочей чись ушодовиль валске 5-це чассто, прядовиль жо чокшне 7 чассто. Вишкине заработной платась кеде эзь максот. Зарплатань счетс азоронь лавкатнестъ рабочейтне покш питнесэ получакишность а маштовикс продуктат. Горняконь семиятне администрациянь требованияонзо коряс ульнесь обязаннойт лиснеме коть кодамо роботас. Рабочейтнең нист ды эйкакшост лангсо нарьгасть кода маштеть, пек эйсест эксплуатировать. А кунсолыциятнең приисконь администрациясь мог панемс тайгав, косо сынст учось кулома вачо-

чиде ды якшамодс; азоронь барактнеде башка, лия эрямо таркат арасельть.

Рабочейтнең апак жала эксплуатировазь, приискань азортне получакишность 7 миллион целковойде ламо прибыль иезэнзэ.

1912-иеста рабочейтне лоткасть коронь кирдемадо. Февральең 29-це чиста Андреевской приискасо кирвайсь забастовка, кона бойкасто келейгадсь «Лензотонь» весе 423 приискатнесэ ды таргась эсензэ эйс 6 тышадэ ламо рабочей.

Забастовкась ютась мирнойстэ ды организованнойстэ. Стачной комитетэнтъ прятвсо, конань организовазь рабочейтне, ульнесь большевикт (политической ссыльнойт) ды большевистски настроенной рабочей.

Рабочейтне сёрмадсть истят требования: 8-часовой рабочей чи, прибавамс жалованиянтъ 30 процентс, вадрыгавтомс продовольственной снабжениянтъ ды эрямо таргань условиятнең, полавтомс авань принудительной трудонть, вежливой обращения ды лият.

Ленской приискатнесэ стачкась тейсь тандамо биржасонть, акциятне кармасть прамо, ды Петербургсто кармасть само телеграммат, внутренней тевтнең министерствань, полициянь департаментань, торговлянь ды промышленностнең министерствань, «Лензотонь» правлениянь приказ—лоткавомс стачканть.

«Лензотонь» администрациясь эрва кода снартнесь сеземс забастовканть, тень кис тейнесь провокацият, ды макснесь ложной алтнемат, лоткесэ продовольствиянь максамодо, макснесь расчегт, грозясь, арестовась ды мик пансесь тайгас. Теньсэ лездась меньшевиктне—«Лензотонь» служащейтне, конат кортнесь рабочейтнең марто седе, штобу сын лоткавтовлизь стачканть, тандавнесь эйсест эрва кода. Яла теке шахтернэ бороцять кеместэ ды дружнасто.

Ды зардо стачкась грозясь таргавомс кизэс—сырнең добовамонь сех вадрышкас, царской правительствася решизе лепштымс сонзэ оружиянь вийсэ. Апрель 17-це (4-це) чинть каршо вестэнтъ полициясь арестовинзе стачечной комитетань кой-кона члентнең ды рабочейтнең ютксто выборнойтнең. Те арестовамондъ кулясь стаччинзэ пильге лангс весе приискатнең. Валске тышда безоружной рабочей сыргаст Надеждинской приискас, тейсть протест эсь представительтнең арестовамонть каршо.

Мирной демонстрациянтъ лангс кармасть ружиясо леднеме; ульнесь чавозь 270, ранязь 250 рабочей.

Истя прядовсь паризмань злодеяниянтнең эйстэ вейкесъ—рабочейтнең лангсо расправась, конат снартнесь ванстамс эсест элементарной праваст. Но те зверской расправась эссе лавшомгавто рабочейтнең стойкостс: леднемадонть мейлеяк приискатнесэ забастовкась яла молись.

Рабочейтне отказась кундамс роботас ды вешеть, штобу сынст усковлизь приискатнесэ. 8.909 рабочей нист ды эйкакшост марто кадызь Ленской краенть. Экономической забастовкась кассь политической демонстрациякс царской режиментъ каршо.

Большевистской партианть призывезь коряс Россиянь рабочей классосъ выступил грозной протест марто царской злодеяниянтъ каршо. Ленской расстрелэнтъ лангс рабочей классосъ отвещась массовой забастовкасо, протестэнь митингс.

Рабочейтнең кежест еще седеяк пеккась, зардо царской министрсь Макаров Государственной думасо цинично являвсь: «Истя ульнесь ды истя улияк!» Нетъ вальтнең сон ёвтынзе социал-демократической фракциянтень, кона тейнесь запрос ленской рабочей-

нень леднемадонть. Те наглой являвтоманть лангс рабочей классосъ отвещась од стачкасо ды демонстрациясо.

Сталин ялгась «Сыргась!..» статьясонзо сёрмадсь рабочей классонть те виев протестэнтъ:

«Ленской леднематне тапизь чатьмонемань эвть, ды—сыргась народной движениянь леесъ.

Сыргась!..

Весе, мезе ульнесь кежесъ ды пагубноесъ неень шкань режимсэнтъ, весе, мейсэ саредсь пишветиця Россиясь—весе те пурнавсь вейке фактс, Лена лангсо событиятнес.

Вана мекс самай ленской леднематне ульнесь забастовкань ды демонстрациянь сигналокс».

Ленской расстрелдэ кулянтъ Ленин маризе Парижс, косо сон те шкастонть ульнесь. Движениянтъ, кона сюлмавозь ленской трагедиянтъ марто, Ленин оцнил прок коренной перелом массатнең настроениясо, прок переход од революционной подъемс.

Ликвидаторнэ ды троцкистнэ отрицали стачкатнең политической характерэст, конатне ютасть большевиктнең лозунгост ало, снартнесь полавтомс стачкатнең «петиционной компаниясо». Сынъ рабочейтнең ютксо пурнасть подписать петиция алов, конасонть вешеть «прават» (союзнэнь, стачкатнең ограничениядост отменодо ды лиядо); те петициянтъ арсестъ кучомо Государственной думав. Но истямо ушоткесъ лондадь (ульнесь пурназь весемезэ ансяк 1300 подпись).

«Рабочей классосъ молись киява, конань невтизь большевиктне» (ВКП(б)-нь история, краткой курс, стр. 142). Виев революционной волнась кепетель яла сарейстэ ды сарейстэ.

1912-иень первомайской стачкатнесэ примастъ участия малав 400 тышда ломань. Весе 1912-иень перть стачечниктнеде кармасть улеме вейке пель марто миллиондо ламо.

Пражской конференциянь лозунгтне—демократической республика, 8-часонь рабочей чи, помещикенъ весе модатнең конфискациясь—кармасть улеме келей рабочей массатнең лозунгос. Рабочей класс молись од революциянтень.

Васенце мировой империалистической войнась временна кирдизе революционной подъемонь касоманть. Но уш 1915-иеста революционной движениясь большевиктнең партианть руководстванзо коряс таго виевгадсь ды 1917-иень февральской буржуазно-демократической революциядонть мейле прядовсь Великой Октябрьской социалистической революциянь победасо.

Изния рабочей классосъ тейсь мирсэнтъ васенце социалистической государства—рабочеенъ ды крестьянонь государства, косо пивгеде-пигес пүтозь пеломаньсэ ломанень эксплуатациянтень, истожазь те эксплуатациянтъ корёнонзо—производствань средстватнең ды орудиятнең лангс частной собственностис, маштозь эксплуататорской классонть.

Социализмань масторонь трудиятне радость ды гордость марто могут ёвтамс Сталин ялганть валонзо, конатнең сон сёрмадынзе ленской рабочейтнең привествиясонть. 1927-це иеста: «...Бодайбинепень рабочей верень вейкеяк петявкс эзь ёма стяко, секс што пролетариатонь врагтнең кежесъ пандозь, пролетариатосъ жо уш изнизе сынст. Течи, парской ды капиталистической гнетонть алдо оляктомтозь, Витимень беректнең лангсо, тынк улитъ возможностенк добовамс сырне аволь тунеджентнең сюпалгавтоманть кис, но мирсэ васенце эсенк рабочей государстванть виевгавтоманзо кис. Честь ды слава рабочейтнең, конатнең маштызь рабочей классонь победанть кис бороцямосто!»

В. Слуцкая.



Предмайской социалистической соревнованиянтъ келейстэ аравтозь, Саранской станциянь коллективесъ великой пролетарской праздникентъ васты эсензэ роботасо од успех марто.

Снимкасонтъ: Стрелочникс-стакановецэ П. В. Николаев отличнасто кирде эсензэ стрелочной хозяйстванзо. Фотосъ Б. Козловонь.

Од колхозниктне тустъ ФЗО-нь школав

Зярдо ушодовсь ФЗО-нь школатнесэ призывсь, Николай Фомин, Ардатовской райононь, Силинской вельсоветэнь «Красный Октябрь» колхозонь од колхозникс, тонавтнесъ трактористэнь курсо. Теде икеле сон роботась эсензэ родной колхозонть ды ютась иестэнтъ тейсь 450 трудочи. Николаенъ ульнесь мелезэ курстнең прядомадост мейле тумс ФЗО-нь школав тонавтнеме. Кортнесь тетянзо-аванзо, курстнең директоронть ды колхозонь председателентъ марто.

— Ну мезе,—мерсть сынъ,—те а берянь. Трактористэнь специальностесъ маштови тетъ. Азё тонавтнек.

Фомин макссь заявления. Медицинской комиссиясь ловизе шумбракс. Сонзэ примизь ФЗО-нь школав.

Истя жо покш мельспаросо тусъ ФЗО-нь школав Ленин лемсэ колхозонь колхозникс Петя Курков комсомолецъ. Колхозсо сонзэ содасызь, прок сех вадра производственникентъ.

... Ардатовской райононь 60 од колхозник апрельең 11-це чиста тустъ ФЗО-нь школав тонавтнеме, штобу лисемс минек социалистической промышленностень квалифицированной рабочейкс. Пеледест ламо эйстэст ударниктъ ды стахановецт. Туместъ сын алтасть вадрасто ды отличнасто тонавтнеме.

И. Антонов.

Ардатовской р-н.

Лездамс клубонтень

Велесэнтъ ули а берянь клуб. Паро койсэ тесэ можаль пек вадрасто, интереснойстэ аравтомс велень эрициянтень ютксо культурно-просветительной роботанть. Тень кис эрявсь ансяк се, штобу комсомольской организациясь кундаволь клубной роботань вадрыгавтоманть. Но комсомольской организациясь эзь кунда.

Самай секс клубонтъ ансяк лемезэ ули, а эйсэнзэ арась мезеяк. Помещениясь необорудованной, потолонзо ды стеванзо рудавот ды пулевть. Клубонтъ ули аволь вишкине библиотека, но книгатнең колхозниктне зардож а нежнесь, секс што сын свал эрсить пектнең шкапос. Клубонь заведующее И. Кудряшов овси а мелявты колхозной массатнең литературанть пачтамонзо кувалт.

Тевентъ седе тов истямо ладсо кадомс нельзя. Комсомольской организациянтень эряви лездамс клубонтень велесэнтъ культурно-массовой роботань алжуксонь центркс теевемасонть.

Д. Барсуков.

Б. Березниковской р-н, Косогор веле.

*) Тезень ды лия таркатнескак цитататне саезь «В.И. Ленин, И.В. Сталин Ленской событиятнеде» сборникентъ коряс госполитиздат, 1940-и.

ГИМНАСТИЧЕСКОЙ СОРЕВНОВАНИЯТНЕ

Келейгадыть соревнованиянь участниктнень рядтнэ

Эрва чистэ яла келейгадыть массовой гимнастической соревнованиянь участниктнень рядост. Соревнованиянь васенце читнень итогтне неветь вадры показателеть.

Витневить сеть организационной асатыкстнэ, конат ульнеть поддась васня.

Бути фельдшерско-акушерской школы апрелень 6-це чистэ соревнованиятнэсэ примасть участия ансяк 20 ломань, неть читнестэ аноктасть старте лисеме сядодо ламо гимнаст.

Школосонть ульнесь вишкине физической залось. Эрвакшность лия, седе покш помещения. Дирекциясь лездась комсомолетнень, сон макссь омбоце физкультурной зал.

Ней весе тонавтницятне ютыть занятия вольной движения, строевриянь, сэрсь кирнявнемань упражнениятнень коряс. Теде башка васень сменань весе тонавтницятне эрва валске ютавнить зарядкат ГТО-нь комплекснь 8 упражнениятнень коряс.

Н. Иванов.

Саранск.

Эрва тонавтницятнень улемс гимнастокс

Массовой гимнастической соревнованиятнэсэ музыкальной училищасонть примасть участия ансяк 22 ломань.

Мейсь аламо? Или школосонть арасть еще тонавтницят, конатнень можналь бу аноктаме соревнованиятнень? Улить. Тевесь сеньсэ, што училищань комсомольской организациясь явсь темень пек аламо мель.

Школосонть ули а берянь спортивной зал, улить брусчат, кольчат, турник. Но залонтень тонавтницятне совсить пек чуросто.

И. Николаев.

ВИТЕМС АСАТЫКСТНЭНЬ

Республиканской велень хозяйствань школань комсомольской организациясонть массовой гимнастической соревнованиятне ютыть аволь организованойстэ. Саты ансяк меремс, што 23 комсомолец кодамоак причинавтомозь прима участия соревнованиятнэсэ овси.

Школосонть весемезэ организовазель 7 десяткат, конатнестэ ансяк колмотне седе аноктасть састэ соревнованиятнень. Остаткатне аноктасть беряньстэ, секскак самай неть группатнень пеледест ламо члентнэ эзиз макс норматнень.

Комсомольской организациятнень (секретарь Романова ялгась) эрва нейке жо витемс асатыкстнэнь, охватить соревнованиятнэсэ весе комсомолетнэнь.

Я. Кеняйкин.

40 комсомолетстэ ансяк 8 гимнаст

Истя тевесь ашти котонинной фабрикасонть. Те лиссь секс, што ВЛКСМ-нь комитетэс мик эсэ толкова комсомолетнэнь массовой гимнастической соревнованиятнень лездэст. Аволь случайна кой-кона комсомолетнэ, конат а примить участия соревнованиятнэсэ, мусть истямо причина тенень: «Миненек уш колонгемень не, ютась шканок колнэмс те тевсэнь».

8 гимнастняк вольной движениядо башка гимнастической занятиятнэсэ мезеяк больше а тейнить. А мейсэ тейнемс, кода арась а турник, а перекладина, а кольчат.

Комсомольской организациянь секретарь Ворожейкин ялгась темень мельга овси а мелявты, прок було те аволь сонзэ тевесь.

К. ПАВЛОВ.

Саранск ош.

Класстнэнь показателест

Кабаева велень средней школысь тонавтнема иень 3-це четвертьстэнь добовазь икелень четвертнень коряс седе вадры показателеть. Общей успеваемостесь—93,1 процент, абсолютной успеваемостесь—73 процент, посещаемостесь—96,8 процент. Но еще ламо эрва-теемс сень кис, штобу школысь тонавтнема иень придовлисе алкукс достойной показател марто.

Колмоце четвертень результатнень коряс школосонть переходящей якстере знамьсь максозь 9-це «Б» классонтень. Те классонтэ эйсэ (классной руководителесь Г. Штынин ялгась) общей успеваемостесь 97,8 процент, абсолютной успеваемостесь 82 процент, посещаемостесь 98 процент. Те добовазь секс, што тонавтницятнень ютксо парсте аравтозель социалистической соревнованиясь, регулярно лиснись классной стенгазета.

Омбоце классонтэ эйсэ (начальной), косо тонавты Арискина ялгась, абсолютной успеваемостесь 91,1 процент, посещаемостесь 97,8 процент.

Тосо, косо формально аравтозель социалистической соревнованиясь, косо арасель алкуксонь бороцямо успеваемостень кепедеманзо кис,—показателтнеяк берянь. Примеркс, 9-це «А» классонтэ эйсэ абсолютной успеваемостесь ансяк 58 процент, 23 тонавтницятнень эйстэ 10 тонавтницянэ улить берянь отметкаст. 8-це «А» классонтэ эйсэ абсолютной успеваемостесь 54,1 процент.

Школосонть те шкас яла пек аламо отличникт: начальной класстнэсэ 16, старшей класстнэсэ ансяк 13.

Нилеце четвертесэ—тонавтнема иенсэнь решающей. Кадовозь шканть перть эрва бороцямс аволь ансяк сень кис, штобу тонавтницятне парсте усвоили ютавикс материалонтэ. Эрва еще, штобу сынэ аноктавельтэ испытаниятненьгак. Теемс истя, штобу вейкеяк классос аволь кадово второгоник.

Е. Агеев.

Дубенской р-н.



Ардатовской районной библиотекасэ тунда видемантень аноксты велень хозяйствань литературань выставка ды зярря плакатт, конат популяризируют полеводствань, животноводствань ды садоводствань вопроствань коряс книгатнень.

Снимкасонть: библиотекань работниктне оформляють плакатт.

Фотось И. Антоновонь.

Юной натуралистт

Юной натуралистнэнь кружоктнень тевест ды лездэст вадрысто неветезь велень хозяйствань Всесоюзной выставкасо. Неть кружоктнэсэ касыть велень хозяйствань будущей кадрат. Секс сынст эрва организавамс эрва школысо. Тосо, косо вадрысто ладязь те кружоксонть тевесь, пришкольной участканть лангсо кизэнь перть ули ютавтоз покш, интересной работа.

Минек Мордовиянь кой-кона школанэва юнатнэ роботыть вадрысто. Истя, примеркс, Мамолаевской средней школысонть сёрмадозь календарной план, конань коряс юной натуралистнэнь кружоктне кармить роботамо пришкольной участканть лангсо. Аноктасть эмежень, цветкань ды ново-технической растениянь видьмекст. Кармить кастамо плодово-ягодной растения. Видеть помидорань ды целянэ россада, яровизировать видьмекст, аноктасть морковт ды якстерькайт видьмексэкс. Те школысонть юнатонь кружокс совасть 35 ломань. Организовазь ботаникень, зоологонь, метеорологонь, велень хозяйствань опытникень секцият. Юнатнэнь марто весемезэ ютавтоз 65 занятия. Сех вадры юнатокс лововить И. Дорожкин, А. Болобенков, Н. Болобенков

ды лият. Школосонть организовазь ворошиловской всадникень кружок. Неть тонавтницятне ветить шефства лишметнень лангсо.

А беряньстэ аравтоз юнатнэнь марто роботась Краснослободской 1-це № средней школысонть. 30 тонавтницят примить активной участия кружоконтэ роботасо, тонавтнить велень хозяйствань тевенть. Тесэ тейсть живой уголок, косо улить черепаха, ватракшт, ведень унжат, калт, инфузорият. Улить эрва кодат растенияккак (кактус, примул, хризантем, од пальмат, геранть). Юнатнэ вадрысто лездэть Зубарево велень хата-лабораториянтень.

Ветене не роботы юнатонь кружокос Саранск ошонь юной натуралистнэнь лабораториясонть. Ламо юнат омбоце не аштить участникекс ВСХВ-со. Сынэ ней простой темасто ютасть сложной темас, кона веши покш внимательность. 12-це школань 9-це классонь тонавтниця Маруся Тростина снартни ютавтомс опыт Буктояровонь многоколосковой товзюронь бойкалгавтоз размножениянь коряс. Тень кис сон вейке зёрнасто арси получамс ламо зёрнат. Зёрнанзо сонзэ весемезэ ансяк 50. Сон теи опыт кизна модамарень озавтнеманть коряс.

Теке жо школань тонавтниця Крюкова Леля арси видьмексэ вейке иес кастоме лукорепкат, 9-це классонь тонавтниця Чикина Рая (12-це школа)

Истя лездатано колхозонтень

Выходной чистэ вейксэце чассто минь дружнасто пурнавинек школыс ды туинек Зубарево велень хата-лабораторияв. Задачанок ульнесь истямо—лездамс колхозонтень, ванькскавтомс товзюронтэ суюванть эйстэ. Явовинек кавто звенас. Минек звенантень совасть 6-це классонь тонавтницят: Шибанова, Болдырева, Елисеева, Ганцева, Королева, Уткина ды мон. Васня минь кочкинек товзюронтэ эрвась башка, мейле кармине кочксемс весе вейсэ. Тевенек мольсь вадрысто. Евтнинек эрва кодат ёвтнемант школадо, книгадо ды лият, пек старинек седе ламо ды вадрысто кочксемс. Весемезэ кочкисинек 22 килограмма.

А тынь, эйкакшт, мейсэяк лездатадо эсь колхозонтень?

Буйнова.

Краснослободской р-н.

КАСТАН ОД КУЛЬТУРАТ

Ютазь иень кизэнь каникулатнень шкасто роботынь Ворошилов лемсэ колхозонь 3-це бригадасонть. Кавто коновь перть ламос тонадынэ. Маштан сокамо, изамо, пултонь сьулмамо ды лия тевень тееме. Свал норман эйсэ тонавтниця вейксэ. Паксянь роботатнень придовомадост мейле макснэ заявления ВСХВ-нь участникекс монь примамодо. Мелем тонавтызь.

Ней приман участия юнатонь кружоксо, кизна кастан од культурат пришкольной участканть лангс.

Юнат А. Ивенин.

Вечкса паксянь тевенть

Ютась кизна, каникулань шкасто, минь якинек колхознэнь лездамо. Васня кочкинек пинеме, товзюро ды суро, мейле мотыжинек модамарь. Июлень меельсэ читнестэ пурнынек колозт ды сьулмисинек пултт. Роботынек свал честнасто. Примеркс, пултонь сьулмисемстэ 300 пулт норманть таркас сьулмисинек 600—700. Весемезэ кизэнь перть эрва тонавтницясь тейсь 111 трудочи.

Паксянь тевсэнь сайнек аволь ансяк ламо наблюдений, но и мельть тонавтнемс отличнасто. Тонавтнема иень прядса ансяк отличной отметка марто. Придомадонзо мейле молян таго колхозе роботамо.

Новокрещенова.

Саранской р-н.

тейсь опыт томатонь ды модамарень вегетативной гибридизациянь коряс.

Юнатнэ кармась ютавтомс опытт истят растениятнень кастоманть коряс, конат Мордовиясо те шкас а касыль. Вана Ерофеев Коля, Перунков Володя, Тростина Маруся, Рая ды Жена Чикинатне кастыть кок-сагыз. Сынэ соревнуються эсь ютковаст сень кис, штобу получамс кок-сагызэнь вадры урожай.

Булдыгинской неполной средней школынь пионернэ (Ширингушской район) вадрысто ветить шефства молодняконтэ лангсо. Весемезэ юной шефнеде тосо ловови 30 ломань, конат пек лездэсть колхозонтень од скотинатнень упитанностест кепедеманть коряс. Тонавтницятне Шишканов Шура, Гришина Нюра (7-це класс), Каскова Нюра (4-це класс), Галенков Шура (3-це класс) школосонть аштит сех вадры отличникекс. Сынэ жо ветить паро уход Киров лемсэ колхозонь подшефной вашотнень мельга.

Кода неяви, юнатнэнь лездэст пек покш. Но сынэ могут тееме седеяк вадры тевть, бути комсомольской организациятне явить покш мель сынст роботантень, карми тенст эрва чистэ лездамо.

Д. Григорьев,

Юной техникень ды натуралистнэнь республиканской станциянь агроном.

ЮНКРОНЬ СЕРМАТ

Валост а явкшныть тевенть эйстэ

Зярдояк сынст валост а яви тевде. Вана III-це четвертьтэ ушодовомсто сайнест эсест лангс обязательства—3 предметнэ коряс тонавтнемс парсте, весе лиятнэ коряс—отлично. Федя Митрашкин, Маня Макушкина то-павтыз эсест обязательства. Зоя Макушкина жо велькса топавтынзе—весе предметнэ коряс тонавтни отлично. Теве башка сон вети ламо общественной работа классонь организаторке улезь, добовась паре дисциплина классо. Неть тонавтницятне эрва тевсэ аштить примерке лиятнэ-нень, максэть вал—тонавтнема иенть прядомс отлично. Штобу топавтомс эсь валонтэ, сынш умок уш повторяют ютазь учебной материалонть

И. Поздьякин.

Б.-Березниковской р-н.

Кружоктне лоткасть роботамодо

Тонавтнема иень васень читнестэ Дубенской средней школоса ульнесть организоваз зяря добровольной кружокт, эрвантень аравтозель руководител. Эрви меремс, што васня кружоктне а беряньстэ кармакшность роботамо. Комсомольской организациянь секретаресь Тарасова ялгась тень эйса а вест мик шнась прынзо собраниясо.

—Минь организовинек добровольной кружокт, конатне весе роботыть вад-рясто,—кортасть Тарасова.—Кемдяно, што икелепелевгак сынш парсте кар-мить ветямо тевест.

Но лиссь овси аволь истя, кода ар-сесь комсомольской организациянь сек-ретаресь. Зяро бути шкань ютазь шко-ласонтэ лоткасть роботамодо весе кру-жоктне.

Сави кевкстемс, кода ней тень ко-ряс собраниясо карми кортамо комсо-мольской организациянь секретаресь Тарасова ялгась?

Н. Сульдин.

Стувтызе максэсь валонзо

Пянгий вельн комсомолетнэнь ды од ломатнэнь ули пек покш мелест то-навтнема военной тевенть. Од ломат-нень эйстэ ламот курок туить Якстере Армияв. Сексак сынш бажить икелев вадрясто анокстамс эсь прят, тонав-немс винтовканть, противогазонт.

Комсомолетнэнь ды од ломатнэнь мелест коряс организовазель военной тевенть тонавтнемань кувалт кружок. Кружоконь руководителесь Атяшкин ял-гась максэсь вал эрва недлясто ютавтнемс 2—3 занятият. Но седе мей-ле шкась ютась уш ламо, а занятия атак ютавто вейкеяк.

Истя Атяшкин ялгась стувтызе эсь валонзо. Но мекс кияк тензэ а ледтя-сы тень?

Н. Гераськин.

Чамзинской р-н.

Комсомолетнэ аштити ве ёно

Пакся Тавла велесэ весемезэ лова-вить 45 неграмотной ды малограмот-ной ломань. Ве шкасто комсомольской организациянь секретаресь Зорькина ялгась ды неполной средней школаны директорось максэнь вал тонавтомс неть ломатнэнь сёрмас Маень 1-це чинть самс. Шкась седе мейле ютась уш аволь аламо, но тевесэ кадовсь икеле лацо.

Населениянтэ ютксо неграмотностень ды малограмотностень ликвидациясь—комсомолонть боевой ды почетной за-дачазо. Но Тавла вельн комсомолет-нэ тень мекс-бути еще эзизь чарькоде. Сынш аштити те покш тевенть эйстэ ве ёно.

Б. Платонов.

Кочкуровской район.

СТАРШЕЙ ПИОНЕРВОЖАТОЙТНЕНЕНЬ ЛЕСКСЭКС

в) Походонь цельсь: эсь краентэ то-навтнемазо (кодамоль икеле, кодат при-родной сюпавчитне, дикой хозяйствен-но-ценной растениянь разведкась, рай-онсонть социалистической строитель-ствась ды лият). Ки лангонь дневник. Краеведческой материалонь пурнамось, зарисовкат, фото, фольклоронь образе-цтнэнь пурнамось ды лият.

Литература:

«Туристэнь спутник», нолдызе «Физ-культура и спорт» издательствась 1940 иестэ.

Журнал «Вожатый» — 1940 иень 13-це номерстэ статья «Военной поход» ды 1939 иень 6-це номерстэ статья «Поход—эстафета».

Трудовой воспитаниясь

а) Толковамс пионертиненень трудонть значениянзо социалистической общества-со. Трудонтень вечкемань воспитаниясь беседа вельде, фабрикась, заводе, МТС-с ды лияс экскурсия вельде, общей труд-сонть пионертиненень эсест посильной участиясь.

б) Отрядонть общественно-полезной роботазо школоса: книгань переплет, школьной инвентарень ремонт, учебно-наглядной пособиань анокстамо, школь-ной кардазонть благоустройства ды лият.

Ванькшчить кис, опсо, велезэ, по-селкасо садонь озавтнеманть кис, кинь ды водоемонь теаманть кис боропямось, урожаень ванстомасонть, скотинань молодняконть мельга ухосонть, ярму-нень раштавтомасонть участиясь ды лият.

в) Семиясо ды школоса самообслужи-ваниянь навыктнэнь привитиясь. То-навтомс пионертиненень чувтонь, метал-лонь, электротехникань коряс робота-мо. Ознакомления простейшей инстру-ментнэнь марто (пила, койме, молотка, напильник ды лият). Эйкашонь тех-нической станциятнэнь марто вейсэнь робота моделень, технической налку-мань, самоделкань анокстамонть коряс. Школоса ды отрядсо эйкашонь техни-ческой любительствань развития.

Литература:

Журнал «Вожатый», 1940 иень 22, 23—24 №№.

Журнал «Вожатый» 1941 иень.

5. Опытн-натуралистической ды вельн хозяйствань роботась

Школьной участкань организовамось. Паксянь ды эмежень культуратнэнь кастамось. Плодово-ягодной ды цвето-но-декоративной растениятнэнь мельга ухосось.

Те районсонть паксянь, эмежень ды плодово-ягодной растениянь сех рас-пространенной вредительтне ды сынст каршо боропямонь сех простой способ-тне.

Живой уголоконь организовамось. Живой уголоконь обитательтне, наблю-дения ды уход сынст мельга. Комнат-ной растениятнэнь мельга ухосось.

Природанть мельга наблюдения. Кол-лекциянь ды гербариянь составлениясь. Вазотнэнь, вазтнэнь, тулуктнэнь ды реве левкстнэнь мельга ухосось. Уход саразтнэнь ды ведьга укшныця нар-мутнэнь мельга.

Простейшей метеорологической стан-циянь организовамось, погода мельга наблюдениясь. Научно-обоснованной приметат, конат икелев ёвтныть пого-данть.

Литература:

Пришкольной участка (НКП-нь изда-тельства 1940 ие).

Юной опытникень-растениеводонь кружок. (НКП-нь издательства—1940 ие).

Простейшей роботат школоса ды ку-досе коллекциянь анокстамонть коряс—Павлович.

Погода ды сонзэ предсказаниянь спо-собтне—Карельский.

Журнал «Вожатый» 1941 ие.

IV. Отрядсо ды звенасо роботань организовамось

1. Отрядсо руководствань основной принциптне—эсест пионертиненень само-деятельностэ, инициативаст ды ак-тивностэст развитиясь; эйкашонь дру-жной коллективнэнь теамась; отрядсо ке-ме дисциплинанть аравтомась. Требова-тельность ды эсест поступкатнэнь ды порученной тевень кис пионертиненень ответственностень воспитания.

2. Вожатонть роботазо пионерской активнэнь марто. Пионерской отрядонь советэсь—вожатонь коллективной по-мощник отрядсо руководствасонть ды звенань вожатонь школа. Отрядонь со-ветэнь председателентэ обязанностензэ. Отрядонь советэнь сборось.

Звенань вожатойтнэнь, редколлеги-янтэ командань капитантнэнь ды лия активистнэнь лангсо руководствась.

3. Отрядсо роботань планированиясь пионертиненень интересэст ды запросост ловозь. Кода вожатоесь должен опреде-лять физкультурной, трудовой ды лия навиктнэнь отрядонь пионертиненень под-готовкаст ды возрастост марто соот-ветствиясь. Кода те основанть лангсо вожатойтнэненень классной руководи-тельтнэнь марто вейсэ теамс отрядонть роботанзо программа учебной иес. Кода советэнь отрядсо теамс отрядонть ро-ботанзо календарной план определен-ной шкас (вейке-кавто ковс).

Кода вожатоесь должен таргамс от-рядонь роботас педагогт, тетят-ават, Якстере Армиянь командирт, специа-лист.

4. Звено. Пионерской отрядонть ве-се роботазо—физкультурной ды воен-ной тренировка, труд, вельн хозяйст-вань робота, газетань, журналонь ды книгань ловнома ды лият—ютавтови звена вельде.

Звенань вожатонь обязанностне. Звенасо роботань организовамось. Зве-нань сбортнэ.

5. Отрядонь сборось, прок звенасо роботань итогтнэнь теамань форма ды зарядка икелепелень роботантень. Сбо-ронь эрва кодат видт: загородной походт, райононь полезной ископае-мойтнэнь разведка, колхозсо робота, звенатнэнь соревнования, военной налк-сема, спорт, посвященнот революци-онной дататнес ды лият.

Отрядной сборонтень анокстамось, от-рядной сборонь планось.

6. Старшей пионервожатонь робота. Кода старшей пионервожатойтнэненень школаны директоронть марто вейсэ те-емс план межотрядной вастоматнэнь, соревнованиятнэнь коряс: школань пио-нерской активнэнь спорт ды семинарт. Общешкольной праздниктнэненень ды пионерской парадонть анокстамось ды сынст ютавтомась.

Отрядной вожатойтнэнь инструктаж ды вожатонь семинарсонть руководст-вась. Отрядтнэнь роботаст мельга эр-ва чинь контроль ды лескс сынст.

Литература:

«Педагогикань» учебникть (созна-тельной дисциплинань воспитаниядо ды классной руководителентэ роботадо глататне).

Журнал «Вожатый» 1940 иень.

Статья: «Важатонть васень эскельксэнзэ от-рядсо», № 15—16.

«Требовательность, требовательность ды еще вест требовательность», № 21.

«Пионерэнь отрядсо кизна», № 12.

«Отрядонь советэнь спортнэ», №№ 18, 19 ды 21.

«Отрядной спорт», №№ 7, 8, 15—16, 19, 23—24.

«Старшей вожатонть робочей чизэ», № 7—8.

Журнал «Вожатый» 1941 иень.

(Пезэ. Ушотксозо 40, 41 №№-сэ).

Европасо ды Африкасо войнась

(Апрелень 14-це чистэ военной действиятнэнь дневник)

Югославиясо германской войскавне вейсэндиясь итальянской частнэнь марто Карловаонть маласо (Загре-бентэ эйстэ юг ёно). Адриатической морянь побережьясонть итальянецтнэ саизь Бенковац опонть ды ниле ос-тровт.

Югославской войскавне тейстэ контр-атакат германской частнэнь каршо. Южной Югославиясо немецтне ульнест карматозь потамс Скопленть эйстэ северо-запад ёнов. Ассошиэтед Пресс агентстванть сообщениянзо коряс, Юго-славия керизь германской вийтнэнь Тополасо (Белградонть маласо).

Пек виевстэ бомбардировизе герман-ской авиациясь Сараево югославской опонть.

Апрелень 13-це чинть каршо вес-тэнтэ Грециясо англо-греческой вой-скавне потастэ од позиция. Амери-канской агентстванть сообщенияст коряс, немецтне пурныть эсест виест Флоринань секторсонть виев наступле-ниянтэ туртов.

Кода пачти Рейтер агентствась, гректне тапизь германской танкань колоннанть, мотоциклистэнь ды пехо-тань отрядтнэнь знаменитой Монас-тирской ущельясонть, Грециянь север-ной границанть лангсо.

Албаниянь юго-восточной пелькс-энтэ 11-це итальянской армиясь моли икелев Борчань районсонть (аволь-васоло греко-албанской границанть эйстэ). Яла молих икелев югослав-ской войскавне Северной Албаниясо.

* * *

Апрелень 14-це чинть каршо вес-тэнтэ германской бомбардировиктне атаконизь Англиянь юго-восточной по-бережьясонть портовой сооруженият-нэнь.

Секе жо вестэнтэ английской авиа-циясь тейсэ налет оккупировазь Фран-циясонть германской базатнэнь лангс.

Северной Африкасо германо-италь-янской войскавне саизь Капуццо фор-тонть (Киренаикань восточной грани-цанть лангсо) ды Соллум пунктонтэ (Египетэнь территориясонть). Бойть молих Соллумонть маласо ды Тобру-конь районсонть, косо английской гарнизонос яла еще тейни виев сопро-тивления.

Покш активностэ ютавтэсь воювица ёнкстнэнь авиациясь.

Абиссиниясо английской войскавне яла панить отступающей итальянской частнэнь. Кода корты Рейтер агент-ствась, основной итальянской вийтне пурнавкшныть Джиммань районсонть (Аддис-Абебанть эйстэ юго-запад ёно), косо, кода неяви, тееви решительной сражения. (ТАСС).

Советской Союзонть ды Япониянтэ ютксо нейтралитеттэ Пактонь теаманть коряс японской премьер-министранть Коноэ господинэнтэ яволявтомасо

Кода пачти, Домей Цусин агентст-вась, Япониянь премьер-министрась Фуимаро Коноэ принцесь опублико-вась яволявтомасо СССР-нтэ ды Япо-ниянтэ ютксо нейтралитеттэ Пактонть теаманзо кувалма. Яволявтомасонть, тень пингстэ ёвтась:

Мон кемам сенсэ, што неень Пак-тонть—ули исторической значениязо японо-советской отношениятнэнь туртов, ды истяжо сенсэ, што сон карми пек виевстэ лездемо весе мирсанть мирэнь аравтомантень. Монь арасть кодаткак а кемеман сенсэ, што те Пактось карми улеме базакс кавонест мастортнэнь ют-ксо эрва кодат атак регулаторова воп-ростнэнь бойкасто ды конкретностэ решамонть туртов. (ТАСС).

Ответ. редакторось А. ЩЕГЛОВ.